捣藻堂四庫全書

音薈

要

史部

范泰字伯倫順陽山陰人也祖汪晉安此將軍徐充二 驃騎將軍會稽王道子二府參軍荆州刺史王忱泰外 欽定四庫全書管要卷四千二百二十二史部 刺史父军豫章太守泰初為太學博士衛将軍謝安 列傳第二十 宋書卷六十 泡泰 梁 王淮之 沈 王韶义 約 尚伯子 撰

nout do shin !

小木里日

嗟嘆久之曰見規者衆矣未有若此者也或問忧曰范 いく 常有意立功謂泰曰今城池既立軍甲亦充將欲帰 相戒當卿沈 泰謂忧曰酒 也請為天門太守忱皆酒醉輕累的及醒則嚴然端 灾 原以申宿昔之志伯道意銳當令攤戈前驅以君 眉 謝題枕口茂度慢又問 相委留事何如泰曰百年通寇前賢挫屈者多 酒措言莫由及今之遇又無假陳說忧 雖 會性亦所 以傷生游處以來常欲有 何 如口 殷 覬 忧曰伯道易

守又除長沙相散騎常侍並不拜入為黄門郎御史中 矣功名雖貴都生所不敢謀會忧病卒召泰為驃騎治 司馬休之為冠軍將軍荆州刺史以泰為長史南郡 馬珣之並居喪無禮泰坐廢徒丹徒義旗建國子博 顋 官請假不復表聞唯籤元顯而已泰建言以為非宜元 議參軍遷中書侍郎時會稽王世子元顯專權內外百 祖台之奏泰及前司徒左长史王準之輔國將軍司 不納父憂去職襲爵陽遂鄉侯桓玄輔晉使御史中

灾

E

الما مرسه مه المساهم

宋書

一當 |愛即心過厚禮無二嗣諱宜還本屬從之轉大司馬左 二子義慶為嗣高祖以道規素愛太祖又令居重道規 為太常初司徒道規無子養太祖及薨以兄道人憐第 從容問混泰名輩可以比誰對曰王元太一流人 中尋轉度支尚書時僕財陳 預發兵千人開倉給稟島祖加泰振武将軍明年遭 議殿祠事談白衣領職出為東陽太守盧循之難 南即公應以先華容縣公賜太祖泰議曰公之友 郡 謝 混後進知名高祖

Æ

卷六十

空與右僕射袁港授宋公九錫隨軍到洛陽高祖還彭 長史右衛將軍加散騎常侍復為尚書常侍如故兼司 城與共登城泰有足疾持命乘暈泰好酒不拘小節通 至世至說莫先講習甚樂必寄朋來古人成童入學易 領國子祭酒泰上表曰臣聞風化與於哲王教訓表於 故不得在政事之官遷該軍將軍以公事免高祖受 拜金紫光禄大夫加散騎常侍明年議建國學以泰 任心雖在公言不異私室高祖甚賞愛之然批於為

欽 孝道不知春秋則所陷或大故趙盾忠而書弑許止孝 未连父兄欲其入學理合開通雖小違晨昏所以大弘 初基天下改觀有志景暴而置生之制取少停多開不 之端非一途而已臣以家推國則知所聚不多恐不 不由戸則斯道莫從是以明詔爰發已成漁汗學制 定四庫全書 以宣大宋之風弘濟濟之美臣謂合選之家雖制所 下遠近遵承臣之愚懷少有未達今惟新告始盛業 教尋師無遠負糧忘艱安親光國莫不由此若能

亦用二品顏川陳載已辟太保樣而國子取為助教即 楊烏豫玄實在弱齒五十學易乃無大過昔中朝助教 其二品才堪自依舊從事會今生到有期而學校未立 降無幾而深有志尚者何必限以一格而不許其進邪 得辜以斯為戒可不懼哉十五志學誠有其文岩年 尉淮之弟所貴在於得才無繋於定品教學不明獎 以朝請領助教既可以甄其名品斯亦敦學之一 不著今有職開而學優者可以本官領之門地二品

足日華全馬!

宋書

時言事者多以錢貨減少國用不足欲悉市民銅更造 覆簣實望其速回轍已淹其逐事有似除而宜急者始 此之謂古人重寸陰而賤尺壁其道然也時學竟不立

終於獲直國用不足其利實多臣愚意異不寧寢點臣 治國若烹小鮮拯敝莫若務本百姓不足君孰與足 鉄錢泰又諫曰流聞將禁私銅以充官銅民雖失器

識者不各反表員新存毛實難王者不言有無諸侯 未有民貧而國富本不足而未有餘者也故囊漏貯中 器在用也博美鍾律所通者遠機衛所挨者大夏鼎負 資貨廣以收國用者則龜貝之屬自古所行專銅之為 **禦荒耳夫貨存貿易不在少多昔日之貴今者之賤彼** 言多少食禄之家不與百姓爭利故拔獒所以明治織 此共之其揆一也但令官民均通則無患不足若使父 民的寡倉廪未充轉運無已資食者衆家無私積難以 謂之不仁是以貴賤有章職分無爽今之所爱在農

圖實冠眾瑞晉鐸呈象亦啓休徴器有要用則貴賤

sol & due

宋書

Б

思可久之道除欲速之情弘山海之納擇努牧之說 益少陛下勞謙終日無倦庶務以身率物勤素成風而 謀日陳聖慮可廣其亡存心然後也桑可繫愚誠 物有適宜則家國共急令段必資之器而為無施之 於貨則功不補勞在用則君民俱困校之以實損多 四月白潭 作板渭不至者良由基根未固意在遠界伏

至用忘寢食景平初加位特進明年致仕解國子祭酒

少帝在位多諸愆失上封事極諫曰伏聞陛下時在

吳會寧過二漢關河根本既抵于何不有如水旱成災 省隨之間不聞將師之臣統御之主非徒不足以威 委政室臣實同髙宗諒闇之美而更親狎小人不免 夫不息無寇而戒為費漸多河南非復國有羯虜難 頗習武備皷彈在宫聲聞于外贖武掖庭之內諠 抵生遠近之怪近者東寇紛擾皆欲同國瑕除今之 期 此臣所以用忘寢食而干非其位者也陛下踐

近

)

7. TIO

宋書

習懼非社稷至計經世之道王言如緣其出如綸

泉少帝雖不能納亦不加禮徐美之傅亮等 陛下若能哀其所請留心覽察則臣夕 生便為永遠聖顔無復自盡之路貪及視息陳其狂 未有政治在於上而人亂於下者也臣家先朝過遇 灾 殊私實欲盡心竭誠少報萬分而怪產已及百疾 匹 化疾於影響伏願陛下思弘古道式遵遺訓從 ,非民賴之天高地里無幽不察與衰在人成敗易 任賢勿疑如此則天下歸德宗社惟永詩云一 盾 卷六十 殞于地無恨

汲貧寡單於負水租輸既重賦稅無降百姓怨咨臣年 二年表賀元正并陳早災曰元正改律品物惟新陛下 多矣未有受遺顏託而嗣君見殺賢王嬰戮者也元嘉 不平及廬陵王義真少帝見害泰謂所親曰吾觀古今 疾疫其為憂處不可備序雪禁之典以誠會事巫祝 **魃為虐亢陽愆度通川燥流異井同竭老弱不堪逐** 日新以畜德仰乾元以履祚吉祥集室百福來庭項 七十未見此旱陰陽并隔則和氣不交豈惟凶荒父 こくせつ

豎關諫鼓鳴朝察易牧之言總統御之要如此則首桑 愛於冤枉之獻遊心下民之瘦居思幽冥之紀令誇去 九早三年及祭其墓澍雨立降歲以有年是以衛人 熒惑以脩善斯皆因敗以轉成往事之昭晰也循末俗 可繫危幾無兆斯而災害不消未之有也故夏禹引百 欽 之罪殷湯甘萬方之過大戊資桑穀以進德宋景籍 祈军能有感上天之譴不可不察漢東海枉殺孝婦 定四庫全書 興而雨伏願陛下式遵遠猷思隆高構推忠恕之

及歲慶得 髙晃旒以因寄成用臣雖言不足採誠不亮時但猥蒙 至友于過隆伏揆聖心已自有在但司契以不唱為 **咽遂輕舟遊東陽任心行止不關** 上表曰伏承廬陵王已復封爵猶未加贈陛下孝慈 祖 不 問也時太祖雖當陽親覽而美之等猶東重權 聞達微誠少亮無恨泉壞承違聖顔 朝廷有司劾奏之

朝忘醜之眷復沾廬陵於顧之末息曼委質有兼常

?)

.

ALSO :

宋書

難為風就正路者易為雅臣疾患日為夕不謀朝會

以 酒 不奏三年羡之等伏誅進位侍中左光禄大夫國子 有 **翕然皆自以為遇其時也災變雖小要有以致之守** 契澗戎陣顛 民之瘼 領 能自己者也朽 上每優容之其年 脚 江夏王師特進 西台里 疾起居艱 明斷無獄無俸政事 狽 東危厚德無報授令路絕此老臣兼 難宴見之日特聽乘舉到坐累陳時 謝越局無所逃刑泰諸子禁之表竟 如故上以泰先朝舊臣思禮甚重 秋旱蝗又上表曰陛下昧且丕題 理出晕心澤 謡民口百

金

万

專之道周書父子兄弟罪不相及女人被宥由來上矣 È) 宰之失臣所不能完上天之譴臣所不敢誣有蝗之處 **陨春秋之旨所宜詳察禮婦人有三從之義而無自** 均因有異之虎蝗生有由非所宜殺石不能言星不 亡無假斤斧楚昭仁愛不禁自廖卓茂去無知之虫 官多課民捕之無益於枯苗有傷於殺害臣聞桑穀 晦婦女猶在尚方始貴後賤物情之所甚苦匹婦

亦能有所感激臣於謝氏不容有情家國重恩寢處

). J.,

宋書

九

年 思報伏度聖心已當有在禮春夏教詩無一而關也臣 ijŕ 上乃原謝晦婦女時司徒王弘輔政泰謂弘曰天下 臣比陳愚見便是都無可採徒煩天聽愧作反側書奏 臣學官竟無微績徒墜天施無情自處臣之區區不 二逢並行事不相害夫事多以淹藉為戒不遠為患 則農功興農功與則田里闢入秋治庠序入冬集逐 侍坐間立學當在入年陛下經累粗建意存民食入 定匹庫全書 1 親盛化竊慕子囊城郢之心庶免前偃不與之恨 巻六十

治道躬自菲簿勞心民庶以理而言不應致此意以為 實為過差古以為王澤不流之徴陛下昧旦臨朝無 以疾疫泰又上表曰項九早歷時疾疫未已方之常是 次弟宜徵還入朝共參朝政弘納其言時早災未已加 廣而權要難居卿兄弟盛淌當深存降挹彭城王帝之 一天之於賢君正自慇懃無已陛下同規禹湯引百姓 過言動於心道敖自遠桑穀生朝而殞熒惑犯心而

TEL OF MET AL ALMO

非唯消矣弭患乃所以大啓聖明靈雨立降百姓改 宋書日

+

揖讓受終未積有虞之道先帝登遐之日便是道消 深根固帶之術未洽於愚心是用猖狂妄作而不能緘 以古今異用循方处壅大道隐於小成欲速或未必達 初至刀嗣主被殺哲潘嬰禍九服徘徊有心喪氣佐命 升平之化尚存舊典顧思與不思行與不行耳大宋雖 瞻應感之來有同影響陛下近當仰推天意俯察人謀 孤之臣俄為戎首天下荡荡王道已淪自非神英撥 反正則宗社非後宋有草命之與隨時其義尤大是 Ė

耄言或非言而復不能無言陛下録其一毫之誠則臣 甚精於宅西立祇洹精舍五年卒時年七十四追贈車 黙者也臣既頑且鄙不達治宜加之以為疾重之以惛 子暠宜都太守次晏侍中光禄大夫次華太子詹事謀 騎將軍侍中特進王師如故諡曰宣侯长子昴早卒次 無後撰古今善言二十四篇及文集傳於世暮年事佛 不知曆身之所泰博覽篇籍好為文章愛獎後生孜孜

反伏誅自有傳少子廣淵善屬文世祖撫軍語議家軍

記室坐畢事從扶 **灾匹庫全書**

王淮之字元曾琅那臨沂人高祖彬尚書僕射曾祖彪

練悉朝儀自是家世相傳並語江左舊事織之青箱世 之尚書令祖臨之父納之並御史中丞彪之博聞多識 謂之王氏青箱學淮之兼明禮傳贍於文辭起家為

本國右常侍桓玄大將軍行參軍玄篡位以為尚書祠

部即義熙初又為尚書中兵郎遭家高祖車騎中軍軍

事丹陽丞中軍太尉主簿出為山陰令有能名預討

袓 聊 喪二十七月而吉古今學者多謂得禮之宜晉初 受命 世 五言范泰潮之曰 本即大中正宋臺建除御史中丞為僚友所憚淮 之祖臨之曽祖 雄 拜黄門侍即永初二年奏曰鄭玄注禮三年之 抓坐世子右 卿 彪之至淮之四世居此職淮之當 衛率謝靈運殺人不舉免官高 唯 解 彈事耳淮之正色答猶差 用

<u>ج</u>

5

ځ

4.15 i

宋書

禪共月故二十五月

而除遂以為制江左

い

功封都亭侯又為高祖鎮西平北太尉祭軍尚書左

ì 之尋入為侍中明年徙為都官尚書改領吏部 恭撫軍長史歷陽太守行州府之任綏懷得 奉心喪也寧戚者自前訓令大宋開泰品物遂理愚謂 唯 失縉紳之皇出為丹陽尹淮之完識遙儀問無不對 [a] 晉朝施用縉紳之士多遵玄義夫先王制禮以大 可徒左長史出為始與太守元嘉二年為江夏王義 大將軍彭城王義康録尚書事每數日何須髙論 PP 物情以玄義為制朝野一禮則家無殊俗從之 理軍民便 性消息 順

J<u>E</u>

為時流所重撰儀注朝廷至今遵用之十年卒時年五 十六追贈太常子與之征虜主簿 因居縣境好史籍博涉多聞初為衛將軍謝琰行象 正得如王淮之兩三人天下便治矣然寡之風素 偉之少有志尚當世詔命表奏軓自書寫泰元隆安 韶之字休泰琅邪臨沂人也曾祖虞晉驃騎將軍祖)鎮軍樣父偉之本國即中令韶之家貧父為爲程

事小大悉撰録之韶之因此私撰晉安帝陽秋既成

Auto I

宋書日

兰

左右密加 領 人管司詔結任在西省因謂之西省即傅亮羊徽相代 年 如 自孝武以來常居內殿武官主書於中通呈以省官一 善敘事辭論可觀為後代住史遭尚書祠部郎晉帝 人謂宜居史職即除著作佐郎使續後事記義熙九 熕 西省事轉中書侍郎安帝之崩也高祖使韶之與帝 正黄門如故西省職解復掌宋書有司奏東治士朱 凡諸 Æ 就毒恭帝即位選黄門侍郎領者作即西省 詔奏皆其辭也高祖受禪加驍騎將軍本郡

自同編戶列茜齊民乎臣懼此制永行所虧實大方 亂抵逆人理必盡雖復殊刑過制 詐 斯 化惟新崇本棄未一切之令宜加詳改愚謂此四 罪 獲 誠檢忘一時權 列父母死誣問父母淫亂破義反逆此四條定窮 補士凡有十餘條雖同異不紊而輕重實殊至 全首領大造已隆寧可復遂拔徒隸緩帶當年 制 懼 非 經國弘本之令典臣尋舊 猶不足以塞莫大之

and to the i

宋書

古田

人民禽三叛士依例放遣韶之啓日尚書金部奏事

時之令非經通之首會稽雖進盈千里未足為難百日 羣臣家有情事聽併急六十日太元中改制年賜假百 H 又居在千里外聽併請來年限合為二百日此盖一 合加贖罪之恩侍中褚淡之同韶之三條却宜仍舊 列而久淹私門臣等參議謂不合開許或家在河洛 休於事自足岩私理不同便應自表陳解豈宜名班 可又駁員外散騎侍郎王寔之請假事曰伏尋舊制 熕 四月台書

一領污漢者道阻且長猶宜別有條品請付尚書詳為

三千石十年徵為祠部尚書加給事中坐去郡長取送 懼為所陷深結徐美之傳亮等少帝即位遣侍中驍騎 史序王珣貨殖王廞作亂珣子弘廞子華並貴顯韶之 其制從之坐壘封謬誤免黃門事在謝晦傳韶之為晉 領揚州刺史弘雖與韶之不絕諸弟未相識者皆不復 如 抑其私憾太祖两嘉之在任積年稱為良守加秩中 來韶之在即常慮為弘所絕夙夜勤厲政績甚美弘 故景平之年出為吳興太守美之被誅王弘入為相 私書

皆怕子頹川頹陰人也祖羡驃騎將軍父猗秘書郎伯 七廟歌辭韶之制也文集行於世子睡尚書駕部外兵 故免官十二年又出為吳與太守其年卒時年五十六 郎臨質太守 **克田庫全書**

子少好學博覽經傳而通率好為雜戲激遊問里故以 **此失清塗解褐為駙馬都尉奉朝請員外散騎侍郎著**

晉史及著桓玄等傅遷尚書祠部郎義熙九年上表曰

即徐度重其才學舉伯子及王韶之並為佐郎助撰

奪今王道惟新豈可不大判臧否謂廣陵之國宜在削 封宜同鄭國故太尉廣陵公陳淮黨翼孫秀禍加淮南 竊饗大國因罪為利值西朝政刑失裁中與後因而 仁功高可百世不泯濫賞無崇朝宜許故太傅鉅平侯 臣聞咎繇亡後臧文以為深歎伯氏奪邑管仲所以稱 **烝管莫寄漢以蕭何元功故絕世輒紹愚謂鉅平之** 明德通賢宗臣莫二勲參佐命功成平吳而後嗣闕

故太保衛瓘本爵蕭陽縣公既被横禍及進弟秩始

宋書

禪進爵為公歷位太保總録朝政于時賈庶人及諸王 咸熙之中太祖文皇帝為元輔之日封蕭陽侯大晉受 常侍江夏公衛璵上表自陳曰臣乃祖故太保瓘於魏 正加以伐蜀之勲故追封瀾陵郡公永嘉之中東海王 無緣獨受偏賞宜復本封以正國章詔付門下前散騎 事忌確忠節故楚王瑋矯詔致禍前朝以瓘東心忠 蘭陵又轉江夏中朝公輔多非理終瓘功德不殊亦 食蘭陵換封江夏戶邑如舊臣高祖散騎侍郎張之

た 正 庫 全 書 □

襲逮于臣身伏聞祠部郎首伯子表欲貶降復封蕭陽 遇歷位元凱後被遠外乃作平州而猶不至除國良以 茂先亦上表曰祠部郎前伯子表臣七世祖太尉淮禍 録既往之勲垂罔極之施乞出臣表付外參詳顏川陳 嫡孫篡承封爵中宗元皇帝以曾祖故右衛將軍宗承 淮南遇禍之前後廣陵雖在擾攘之際臣祖乃始家殊 加淮南不應濫賞尋先臣以剪除買諡封海陵公事在 夫趙氏之忠寵延累樂漢祖開封誓以山河伏願陛下 宋書

嗣 先熟深重百世不泯故也里明御世英輔係與曾無疑 伏願陛下遠録舊勲特垂於察詔皆付門下並不施 以為濫賞臣以微弱未齒人倫加始勉視息封爵兼 匹月五十二

入為尚書左丞出補臨川内史車騎將軍王弘稱之日 伯子為世子征虜功曹國子博士妻弟謝晦薦達之

沈重不華有平陽便之風伯子常自於底籍之美謂弘

曰天下膏梁唯使君與下官耳宣明之徒不足數也遷

以騎常侍本邑大中正又上表曰伏見百官位次陳留

夏後於祀殷後於宋祀陳並為列國而薊祝焦無間馬 後於焦黃帝之後於祝帝竟之後於副帝舜之後於陳 紹子一人駙馬都尉又太始三年太常上博士劉惠等 **传宋居把陳之上考之近世事亦有徴晉太始九年詔** 則聚崇所承優於速代之顯驗也是以春秋次序諸 稱衛公署於大晉在三恪之数應降稱便臣以零陵 山陽公劉康子弟一人爵關內侯衛公姬署宋侯孔

宋書

王在零陵王上臣愚竊以為疑昔武王剋殷封神農之


恪有匪躬之稱立朝正色外內憚之凡所奏劾莫不深 王位宜在陳留之上從之遭太子僕御史中丞在職熟 쉷


定匹庫全達1

卷六十


時年六十一文集傳於世子赤松為尚書右承以徐湛 此非之出補司徒左長史東陽太守元嘉十五年卒官 誇毀或延及祖禰 示其切直又頗雜潮戲故世人以

學自顯世祖初為晉陵太守坐於郡立華林閣置主書






首伯子傳著作郎徐度重其才學○徐度當作徐廣 王淮之傳王淮之字元曾○南史淮作准曾作魯臣照 宋書卷六十考證 宋書 御史中丞祖台之奏春及前司徒左長史王準之並 按准即准字之減畫實一字也完泰傳桓玄輔晉使 居喪無禮南史以淮之為准之則當是一人然本傳 亦未能確定其為一人也 不載居喪被妨事其官司徒左長史又在宋永初時



た

きり車

∠ 45





謄

録 即

生 臣

于

飛

風

校 對官 官無吉士臣 絵 計 臣 侍

朝

王

福

清

欽定四庫全書營要史部



群校官內閣侍讀路 球

武帝七男張夫人生少帝孫脩華生盧陵孝獻王盖 夏文獻王義恭孫美人生南郡王義宣吕美人生衡陽 欽定四庫全書舊要卷四千二百二十三史部 胡婕妤生文皇帝王脩容生彭城王義康袁美人生江 尼日華全書 宋書卷六十一 武三王 沈 宋書 約 撰

高祖将還三秦父老詣門流涕訴曰殘民不沾王化於 刺史太尉諮議參軍京兆王脩為長史委以關中之任 平陽河北三郡諸軍事安西将軍領護西戎校尉雍州 髙祖議欲東還而諸将行役既久咸有歸願止留偏将 長安留守柏谷塢除員外散騎常侍不拜及關中平定 秀徽初封桂陽縣公食邑干户年十二從北征大軍進 文王義李義宣別有傅盧陵孝獻王義真美儀貌神情 不足鎮固人心乃以義真行都督確京秦三州之河東

得歸本及置東秦州父老知無復經略龍右固關中之 節又進督并東秦二州司州之東安定新平二郡諸 咸陽官殿數干問是公家屋宅捨此欲何之高祖為之 授王脩令脩執其子孝孫手以授高祖義真尋除正加 事領東秦州刺史時龍上流人多在關中望因大威復 留第二兒令文武賢才共鎮此境臨還自執義真手以 **愍然慰譬曰史命朝廷不得擅留感諸君戀本之意今** 今百年矣始覩衣冠方仰聖澤長安十陵是公家墳墓 钦定日華公書 宋書

貨多載子女方軌徐行廣追騎且至建威将軍傅弘之 叔治京兆灞城人也初南渡見桓玄玄知之謂曰君平 殺田子是又欲反也義真乃使左右劉乞等殺脩脩字 意咸共敦息而佛佛廣寇逼交至沈田子既殺王鎮惡 朱龄石替義真鎮關中使義真輕兵疾歸諸将競鮫財 世吏部郎才脩既死人情離驗無相統一高祖遣将軍 左右並怨因是白義真曰鎮惡欲反故田子殺之脩 王脩又殺田子義真年少賜與左右不節脩常裁減

義真識其聲出就之曰君非段中兵邪身在此宏大喜 右相失獨逃草中中兵參軍段宏單騎追尋緣道斗喚 在前故得與數百人奔散日暮庸不復窮追義真與左 員之而歸義真謂宏曰今日之事誠無算略然丈夫不 至青泥後軍大敗諸将及府功自王賜悉被俘虜義真 從賊追兵果至騎數萬匹輔國将軍削息斷後不能禁 一過十里膚騎追至何以待之宜棄車輕行乃可以免不 日公處分亟進恐虜追擊人也今多将輜重一日行不 **糞二州刺史追贈左将軍時義真将鎮洛陽而河南蕭** 州刺史高祖代廣固歸降太祖元嘉中為征屬将軍青 持節如故以段宏為義真諮議參軍尋遷宋臺黃門 真尋都督司雅秦并涼五州諸軍建威将軍司州刺史 前至者訪之並云閣夜奔敗無以知存亡高祖怒甚剋 領太子右衛率宏鮮甲人也為慕容超尚書左僕射徐 日北代謝晦諫不從及得宏啓事知義真已免乃止義 經此何以知艱難初高祖聞青泥敗未得義真審問有

義而輕動無德業與陳郡謝靈運琅邪顏延之慧琳道 豫州刺史出鎮歷陽未之任而高祖崩義真聪明爱文 恃明年遷司徒高祖不豫以為使持節侍中都督南豫 條未及脩理改除揚州刺史鎮石頭水初元年封盧陵 人並周旋異常云得志之日以靈運延之為掌相慧琳 豫雅司秦并六州諸軍事車騎将軍開府儀同三司南 王食邑三千戸移鎮東城高祖始践作義真意色不悅 侍讀學士蔡茂之問其故義真曰安不总危休泰何可

悟賞故與之遊耳将之鎮列部伍於東府前既有國哀 文帝云鮮能以名節自立者但性情形得未能总言於 甚故使范晏從容戒之義真曰靈運空疎延之隘薄魏

為西豫州都督徐美之等媽義真與靈運延之暱狎過

義真所乗的單素不及母孫脩儀所乗者義真與靈運

裁量不盡與深惡執政表求還都而少帝失德美之等

案車騎将軍義真凶忍之性爰自椎弱成陽之酷醒聲 遠播先朝猶以年在納綺茲能改厲天属之爱想聞革 因其與少帝不協乃奏廢之曰臣聞二叔不咸難結除 密謀廢立則次第應在義真以義真輕討不任主社稷 心自聖體不豫以及大漸臣庶憂惶內外屏氣而縱博 鄭國劉英容養纍廣難深前事之不忘後王之成鑒也 之事般鑒無遠仁厚之主行之不疑故共叔不斷幾傾 周淮南悖縱禍興盛漢莫不義以斷恩情為法屈二代

仲思縱其悖罵訕主謗朝此人播於遠近暴於人聽臣 墳未乾情事猶昨遂蔑棄遺古顯遠成規整掉浮舟以 苦厲猶在紙翰而自兹迄今日月增甚至乃委棄藩屏 中使苦相敦釋而親對散騎侍郎邢安泰廣武将軍茅 慮經固親救陛下面詔臣等若遂不悛必加放默至言 示歸志肆心專已無復語承聖恩低徊深垂隐忍屢遣 酣酒日夜無輟肆口縱言多行無禮先帝貽厥之謀圖 志還京邑潜懷異圖希幸非冀轉聚甲卒徵召車馬陵

電於湖邑當斯之時豈無尊卿賢輔或以事迫心違或 物故不繫於貴賤是以考叔反悔誓於及泉壺關復冤 於武廟全有之德獲申於明親仰尋感動臨督悲咽乃 者社稷慮切請一遵晋朝武陵舊典使顧懷之古不墜 以道壅謀屈何當不願聞善於與隸藥石阿氏哉臣雖 諫曰臣聞仁義之在天下若中原之有菽理感之被萬 廢義真為庶人徒新安郡前吉陽令堂邑張約之上疏 聞原火不撲蔓草難除青青不伐終致尋斧况憂深患

· 灾足日事 全書

宋書

寧监傾耳康哉之詠企踵升平之風竊念盧陵王少蒙 武皇帝誕兹神武撫運龍興仰清天步則齊德有虞俯 聞愈徒生於白首用敢干禁忘戮披叙丹愚伏惟高祖 草芥備充點首少不量力頗高殉義之風謂蹈善於朝 長聖躬弗永陛下繼明紹統遐邇一心藩王哲茂四維 先皇優慈之遇長受陛下睦愛之思故在心必言所懷 **必亮容犯臣子之道致招驕恣之愆至於天姿夙成實** 九州則侔功大夏故虔順天人享有萬國雖靈祚脩

武帝締構之業下顧營生顒顒之望時開曲宥反王都 陛下富於春秋愿未重複忽安危之遠算肆不忍於一 應符綿而開基造次根條未繁宜廣樹藩戚敦睦以道 朝特願留神允思重加詢宋上考前代興亡之由中存 使兄弟之美比輝魯衛龜策告同祚均七百豈不善哉 恒然失圖士庶杜口人為身計臣伏思大宋之興雖協 ALI O LOS ZI ALIO ·加剥唇坐從遠郡上傷陛下常棣之篤下令遠近

有卓然之美宜在容養録善掩瑕訓盡義方進退以漸

邑選保傅於舊老求四友於髦俊引誘情性強達聪明 月詔曰前盧陵王靈柩在遠國封堕替感惟拱慟情若 未美之等遣使殺義真於徒府時年十八元嘉元年· 奏以約之為梁州府參軍尋又見殺景平二年六月癸 凡人在苦皆能自厲况王質朗心聪易加訓範且中賢 之人未能無過過貴自改罪願自新以武皇之爱子陸 之懿弟豈可以其一告長致淪棄哉謹昧死指闕伏 聞惟願丹誠一經天聽退就斧钁無愧地下矣書

卷六十

志匡權逼天未悔禍運鍾屯險犀凶肆聰專竊國柄禍 増推哽三年正月誅徐羨之傅亮等是日詔曰故盧陵 寄可追復先封特遣奉迎并孫俗華謝妃一時俱還言 貫割王體自至極地戚属尊豈可令情禮永淪終始無 情禮未申今王道既亨政刑始判宣昭國體於是乎在 王含章履正英指自然道心内昭徽風遐被遭時多難 心潜構爨生不圖朕每永念讐耻含痛內結遵養姦慝 可追崇侍中大将軍王如故為慰冤魂少申悲憤又詔

言至誠慷慨遂事屈奉醜預命遐疆志節不中感馬煎 曰乃者權臣陵縱兆亂基禍故吉陽令張約之抗疏失

克匹眉全書

嘉九年襲封盧陵王少而寬雅太祖甚爱之二十年出 萬布百匹義真無子太祖以第五子紹字休屑為嗣元 概多迹前蹤宜加旌顯式揚義烈可贈以一郡賜錢十 至昔關老奏書見紀漢策間暴獻規荷等晋代考其忠 宗泰始元年以世祖第二十一子晋熙王子輿字孝文 府儀同三司刺史如故無子南平王樂第三子敬先為 頭二十九年疾患解職其年薨時年二十一遺令飲 仍遷揚州刺史将軍如故索廣至瓜步紹從太子鎮 二年為前廢帝府害追贈中書侍郎盆曰恭王無子太 本名敬秀既出繼而紹妃褚秀之孫女故改馬景和 七年改授左将軍南徐州刺史給鼓吹一部未之 服素棺周身太祖從之追贈散騎常侍鎮軍将軍開

為紹嗣封盧陵王為輔國将軍南高平臨淮二郡太守 **並未拜為太宗府殺三年更以桂陽王休範第二子** 諸子其及也飲食寝卧常不離於側高祖為性儉約諸 三子属字湖華繼紹為給事中順帝昇明元年薨諡曰 江夏文獻王義恭切而明頡姿顏美麗高祖特形鍾爱 元王又無子國除 二年與休範俱伏誅國復絕三年復以臨澧忠侯襲第 紹為建威将軍淮陵南彭城二郡太守後廢帝元徽

歃

定四庫全書

徐州刺史持節将軍如故進監為都督未之任太祖征 算得未當敢悉以乞與傍人盧陵諸王未當敢求求亦 子食不過五酸盤而義恭爱寵異常求須集食日中無 謝晦義恭還鎮京口六年改授散騎常侍都督荆湘雅 軍南豫州刺史代盧陵王義真鎮歴陽時年十二元嘉 不得景平二年監南豫豫司雅泰并州諸軍事冠軍将 給鼓吹一部三年監南徐究二州楊州之晋陵諸軍事 元年封江夏王食邑五千户加使持節進號撫軍将軍

荷今既分張言集未日無由復得動相規海宜深自砥 義恭涉獵文義而驕奢不節既出鎮太祖與書誠之曰 益梁寧南北秦八州諸軍事荆州刺史持節将軍如故 汝以弱冠便親方任天下艱難家國事重雖曰守成實 亦未易陰替安危在吾曹耳豈可不感尋王業大懼員 【別賢愚監察邪正然後能盡君子之心收小人之力 思而後行開布誠心居懷平當親禮國士友接住流

汝神意異悟有日新之美而進德脩業未有可稱吾所

二言 哲所去豁達大度漢祖之德猜思編急魏武之累漢書 應慨然立志念自裁抑何至丈夫方欲賛世成名而無 于矯性齊美關羽張飛任偏同弊行已舉事深宜監此 斷者哉今粗疏十數事汝别時可省也遠大者豈可具 性之形滯其欲必行意形不在從物回改此最弊事宜 以恨之而不能已已者也汝性褊急袁太妃亦説如此 衛青云大将軍遇士大夫以禮與小人有恩西門安 細碎復非筆可盡禮賢下士聖人垂訓驕侈矜尚先

多供奉耳汝一月日自用不可過三十萬若能省此益 袁太妃供給計足充諸用此外一不須復有求取近亦 若事異今日嗣子幻蒙司徒便當周公之事汝不可不 具白此意唯脱應大的致而當時遇有形之汝自可少 護至於爾時安危天下决汝二人耳勿忘吾言今既進 盡祇順之理苟有府懷密自書陳若形迹之間深宜慎 西楚殷曠常宜早起接對賓侣勿使留滯判急務記

然後可入問訊既観顔色審起居便應即出不須久停

一盆定四库全書

當未有次第訊前一二日取訊簿客與劉湛華共詳大 宜須小小回易當以始至一治為限不煩紛紜日求新 異凡訊獄多次當時難可逆處此實為難汝復不習殊 略形語究計當無須改作司徒亦云爾若脱於左右之 不同也至訊日虚懷博盡慎無以喜怒加人能擇善者 而從之美自歸已不可專意自決於獨斷之明也萬一 廢庶事也下日及夜自有餘尉府舍住止園池堂朝 此少有大吝非唯訊獻君子用心自不應爾刑獄不

度奇服異褐不宜與長汝嬪侍左右已有數人既始 嬉游不宜今過摴捕漁獵一切勿為供用奉身皆有節 以贵陵物物不服以威加人人不厭此易達事耳聲 事當善察之名罷深宜慎惜不可安以假人昵近爵賜 有至誠形陳不可漏泄以負忠信之欵也古人言君不 可壅滞一月可再訊凡事皆應慎密亦宜豫敕左右人 應裁量吾於左右雖為少恩如聞外論不以為非 則失臣臣不密則失身或相讒構勿輕信受每有

豫州之梁郡諸軍事征北将軍開府儀同三司南兖州 者又差有地也九年徵為都督南究徐究青鎮幽六州 和俗樂則繁會克諧驊騮縣服則致遠斯效陛下順簡 人不盡復何由知其衆事廣引視聽既益開博於言事 臣主自應相見不數則彼我不親不親則無因得盡人 西未可忽忽復有府納又誠之曰宜數引見佐史非唯 刺史鎮廣陵時詔內外百官舉才義恭上表曰臣聞雲 たこり 化文明在躬王衡既正泰階載一而猶發處英髦垂 The La state 宋書

章危棘前者經略伊遲元戎喪旅天寶北勤河朔東據 忠諒欽誠往年逆臣叛逸華陽失守森之全境寧民績 業真純砥節丘園息富盛世貧約而苦內無改情軒見 情仄陋幽谷空同顯者楊歷是以潜虬聳鱗竹利見之 釋褐飜然来儀必能毗變九官宣賛百揆尚書金部郎 期翔鳳弭翼應来儀之感竊見南陽宗炳操履開遠思 臣徐森之臣府中直兵參軍事臣王天寶並局力允濟 屢招確爾不拔若以蒲帛之聘感以大倫之美庶投竿

彭城王義康有罪出藩徴義恭為侍中都督楊南徐究 訪退懼瞽言無足甄獎十六年進位司空明年大将軍 實以綏其難謂森之可交州刺史天寶可寧州刺史庶 **營丘熟勇既昭心事無竭雖家褒殺未盡才宜並可授** 明事彰管庫臣識愧前良理謝先哲率舉形知仰酬 惟艱南中夏遠風話迎隔蠻孫狡竊邊氓茶炭實頂練 以邊藩展其志力交阯遼遼累喪藩将政刑每關無莅 足威懷荒表肅清退服昔魏戊之賢功存薦士趙武之

飲定回車至書

萬二十年領國子祭酒時有獻 它物倍此而義恭性奢用常不足太祖又別給錢年 一十七年春索廣寇豫州太祖因 一義恭総統羣即出鎮彭城解國子祭酒廣遂深入 二十人置仗加兵明年解督南究二十一年進太 奉行文書而已故太祖安之相府年給錢二千萬 諸軍事司徒録尚書領太子太傅持節如故給 如故義恭既小心恭慎且戒義康之失雖為 五百里馬者 此欲開定河洛其

盡殺府驅廣陵民輕騎引去初廣深入上應義恭不能 追義恭乃遣鎮軍司馬檀和之向蕭城廣先已聞知乃 諸将並請義恭又禁不許經宿太祖遣驛至使悉力急 自彭城北退義恭震懼不敢追其日民有告房驅廣陵 固彭城俗加誠勒義恭答曰臣未能臨瀚海濟居延应 民萬餘口夕應宿安王陂去城數十里今追之可悉得

免劉仲奔逃之即及廣至義恭果走賴衆議得停事在

至瓜步義恭與世祖閉彭城自守二十八年春廣退走

徐二州諸軍事南徐州刺史持節侍中録尚書太子上 徐究青蓮司雖泰幽并十一州諸軍事并前十三州 有二株先折倒士人崇敬莫之敢犯義恭悉遣人伐 鎮盱眙脩治館宇擬制東城二十九年冬選朝上以御 父老莫不歎息又以本官領南兖州刺史增督南兖豫 張暢傳降義恭號縣騎将軍開府儀同三司餘悉如故 **所乘着鷹船上迎之遺太妃憂改授大将軍都督楊南** 日郡孔子舊庭有栢樹二十四株經歷漢晋其大連

兵凡府內兵仗並送還臺進位太保進督會州諸軍事 者至是義恭求常府遣傳詔劭遣之而後入義恭請罷 義恭先是詔召太子及諸王各有常人愿有許妄致害 钦定四車全書 服侍中服又領大宗師世祖入討劭疑義恭有異志使 祖已次近路欲悉力逆之決戰中道義恭慮世祖 住尚書下省分諸子並住神虎門外侍中下省劭 陋小劭豕突中流容能為患乃進説曰割棄南岸柵 如故還鎮東府辭侍中未拜值元凶肆逆其日劭召 宋書

孝自天赫然電發投袂泣血四海順軌是以諸侯雲 |怒遣始興王濟就西省殺義恭十二子世祖時在新林 者因單馬南奔始濟准追騎已至北岸僅然得免劭大 拔戰敗使義恭於東堂簡将義恭先使人具船於東治 浦義恭既至上表勸世祖即位曰臣聞治亂無兆倚伏 祖前鋒至新亭劭挟義恭出戰恒録在左右故不能自 因乾靈降禍二凶極逆深酷巨痛然古未有陛下忠 石頭此先朝舊法以逸待勞不憂不破也劭從之世

早定尊號以固社稷景平之季實惟樂推王室之亂 私遠存家國七廟之靈近哀點首茶炭之切時防帝祚 命有在故抱拜兆於壓壁亦龍表於霄徵伏惟大明無 惡盈累淌阻兵安忍戮善崇姦履地戴天畢命俄頃宜 武抗辭代王順請耿純陳敖光武正位况今罪逆無親 數均八百義奮之旅其會如林神祚明德有形底止而 沖居或雖未登天祚非府以嚴重宗社紹延七百昔張 水慰奉心臣負爨嬰罰偷生人壤幸及寬政待罪有司

於包日車至書

宋書

古無光尊師重道欲致拜太傅斯誠弘兹遠風敦 太傅領大司馬増班劒為三十人 督楊南徐二州諸軍事太尉録尚書六條事南徐徐 以賜之增封二千戸上不欲致禮太傅諷有司奏曰 然周之師保實稱三吏晋因於魏特加其禮帝道 以漏 刺史給鼓吹一部班劒二十人又假黄鉞事寧進 有常尊考之史載未見兹典故下壺孫楚並謂 刻視息披露肝膽世祖即作授使持節侍中 以在藩府服玉環大 闡

書曰臣聞天地設位三極同序皇王化則九官咸事時 由於疆威至是欲削弱王侯義恭希古乃上表省録尚 質七百里馬賜義恭又增封二千户世祖以義宣亂逆 宣臧質魯爽等反加黄鐵白直百人入六門事平以藏 道訓形奏稽諸往代謂無拜禮據文既明便從形執世 祖立太子東宫文家使先經義恭孝建元年南郡王義 有加拜之禮詔曰閣薄纂統實憑師範思盡度恭以承 君無降尊之義遠稽聖典近即羣心臣等參議謂不應

次至日事 全馬

與驃騎大将軍竟陵王誕奏曰臣開佾懸有數等級異 **謬典國重虚荷崇位與替宜知敢不輸盡上從其議又 昔典使物競思存人懷勤壹則名實靡愆庸節必紀臣** 中造事遵前文宜憲章先代證文古則停省係録以依 亮之績昭於虞典論道之風宣於周載台輔之設坐調 世移総録之制本非舊體列代相沿兹仍未華今皇家 平抗解匪職罔答漢承秦後庶僚稱改爵因時變任與 陰陽元凱之置起釐百揆所以鎟鍼矢言侵官是誠陳

位奏台輔遵正之首請以爵先致貶之端宜從成始 舊法淪落侯牧典章稍與事廣名買一差難以卒變 服崇濫多歷年府令樞機更造皇風載新耗弊未充百 而時至彌流物無不弊借侈由俗軌度非古晋代東 款伏願陛下聽覽之餘薄垂昭納則上下相安表· 思約宜備品式之律以定損厭之係臣等地居枝昵 佩笏有制甲高殊序斯盖上哲之洪謨範世之明 日共參愚懷應加省易謹陳九事雖懼匪東庶竭 剖

公達於衆庶上下無辨民志靡壹義恭府陳寔允禮 鄣扇不得雉尾剱不得鹿盧形槊毦不得孔雀白鷩 師 南向坐施帳并藩國官正冬不得既登國殿及夾侍 九條之格猶有未盡謹共附益凡二十四條聽事不 罪降于頃世下借滋極器服装篩樂舞音容通 人春秋明誠是以尚方府制漢有嚴律諸侯竊服 傳令及油戟公主王妃傳令不得朱服攀不得重 匹庫全書 (美韶付 外詳有司奏曰車服以庸虞書茂典名罷 卷六十 雖

甸

定

郡縣內史相及封內官長於其封君既非在三罷官則 長蹻透狭舒劒博山緣大撞升五案自非正冬會奏舞 衣舞伎正冬若往衣不得装面冬會不得鐸舞杯样舞 不得過六隊白直夹轂不在其限刀不得過銀銅為飾 不復追敬不合稱臣宜止下官而已諸鎮常行車前後 不得舞諸妃主不得著紀帶信幡非臺省官悉用 王女封縣主諸王子孫襲封之王妃及封侯者夫人

<u>ا</u>

宋書

, 較隊不得絳襖平垂誕馬不得過二匹胡伎不得綵

口二年春進督東南究二州其冬徵為揚州刺史餘 帳鑄不得作五花及監笥形詔可是歲十一月還鎮京 上之詔付祕閣時西陽王子尚有盛寵義恭解楊州 行並不得鹵簿諸王子繼體為王者婚葬吉凶悉依諸 船皆下两頭作露平形不得擬象龍舟悉不得朱油 都督并侍中義恭撰要記五卷起前漢記晋太元表 公侯之禮不得同皇弟皇子車非軺車不得油幢平 加入朝不趨賛拜不名剱履上殿固解殊禮又解持 四月白丁

陵王休茂於襄陽為亂乃上表曰古先哲王莫不廣植 避之乃進位太军領司徒義恭常慮為世祖府疑及海 深宜享長外而歴代倭王甚乎匹庶豈異姓皆賢宗室 親以屏帝宇諸侯受爵亦願永固邦家至有管蔡梁 不賢由生於深宫不親稼穑左右近習未值田蘇富 致禍周漢上乘顯授之恩下亡血食之業夫善積慶 驕奢自往而至聚毛折軸遂乃危禍漢之諸王並置 相猶不得禁逆七國連謀寔由疆威晋氏列封正足

**

塞無府知解恭皇族耆長慙版內深思表管見神崇萬 成永嘉之禍尾大不掉終古同疾不有更張則其源莫 既以有州不須置府若位登三事止乎長史據属若宜 不总後事之明兆陛下大明紹祚垂法萬葉臣年衰意 不圖襄楚復生今累良以地勝兵勇毀成凶惡前事之 一竊調諸王貴重不應居邊至於華州優地時可整出 御别差杆城大将若情樂沖虚不宜逼以我事若拾 日者庶人恃親好傾王業去歲西寇籍寵幾敗皇基

定匹庫全書

符瑞報獻上賦頌陳詠美徳大明元年有三脊茅生石 意盡禮抵奉且便辯善附會俯仰承接皆有容儀每有 無懼惡者止姦時世祖嚴暴義恭慮不見容乃早辭曲 請宜遵晋令悉須宣令齊到脩列賓主之則衡必之士 亦無煩干候貴王罷甲於私為用蓋寡自金銀装刀劒 勿許文武從鎮以時休止妻子室累不煩自随百僚脩 文好武尤宜禁塞僚佐文學足充話言遊梁之徒一皆 具之服皆應輸送還本曲突徙薪防之有素庶善者

定日東全書

宋書

書中事委顏師伯外監府統委王玄謨前廢帝即位詔 悉關二公大事與沈慶之參決若有軍旅可為總統尚 書令加中書監柳元景領尚書令入住城內事無巨 書監八年閏月又領太尉其月世祖崩遺詔義恭解尚 **僮干七百人合為二千九百人六年解司徒府太宰府** 依舊辟召又年給三千匹布七年從巡煎尚書令解中 以崇藝昭武永化三營合四百三十七户給府更增吏 頭西岸界奏勸封禪上大悦三年省兵佐加領中書監 陽尹侍中領公如故又增義恭班劒為四十人更申殊 除尚書令元景同禀顧誓異輔皇家賛業宣風緊公是 徳太宰江夏王義恭新除中書監太尉地居宗重受遺 如故侍中驃騎大将軍南兖州刺史巴東郡開國公新 阿衛實深憑倚用康庶績可録尚書事本官監太军王 曰總録之典若自前代孝建始年雖整并省而因華有 可即本號開府儀同三司領兵置佐一依舊准領丹 理存濟務朕對獨在躬未涉政道百揆庶務允歸尊

自為義恭作傳及永光中雖任室輔而承事近臣戴 丘山又登無錫縣烏山以望太湖大明中撰國史世祖 音律游行或三五百里世祖恣其府之東至吳郡登虎 無錢可還民有通辭求錢者斬題後作原字善騎馬解 朝追奪之大明時資供豐厚而用常不足除市百姓物 禮之命固解殊禮義恭性當不怕日時移變自始至終 財實左右親幸者一日乞與或至一二百萬小有忤意 屡遷第宅與人遊敖意好亦多不終而奢侈無度不愛

定四庫全書

年五十三斷析義恭支體分裂腸胃挑取眼精以審漬 立永光元年八月廢帝率羽林兵於第害之并四子時 興等常若不及前廢帝在悖無道義恭元景等謀欲廢 盡心毗道永融雅穆之化而凶醌忌威奄加宽害夷戮 之以為鬼目精太宗定亂令書曰故中書監太字領太 風鉉徳位落姬輔任属員圖勤勞國家方熙託付之重 尉録尚書事江夏王道性淵深唇鑒通遠樹聲列藩宣 有暴殯穸無聞情達坐明痛貫朝野朕蒙險在難含哀

钦定四車全書!

旒鸞輅虎責班劒百人前後部羽葆鼓吹轀較車泰始 外諸軍事丞相領太尉中書監録尚書事王如故給九 徳 就弘懋 要典未殊者哉可追崇使持節侍中都督中 莫申幸賴宗祏之靈克纂祈天之作仰惟戴戚震動於 使持節侍中都督中外諸軍事丞相領太尉中書監録 三年又下詔曰皇基崇建屯剥維難弘召熙載底績忠 厥心昔梁王徵庸警蹕俗禮東平好善黃屋在廷况公 果故從饗世祀勒勲宗舜世祖寧亂定業寔資異亮故

追贈前将軍江州刺史孝建元年以宗室祇長子部繼 軍雍州刺史洮陽縣開國肅侯怒或體道沖玄變化康 景故侍中司空始與郡開國襄公慶之故持節征西将 尚書事江夏文獻王義恭故使持節侍中都督南豫 州刺史持節侍中領射聲校尉為元凶府殺世祖即位 世或盡誠致效庚難愈逆宜式遵國典陪祭廟庭義恭 豫三州軍事太尉南豫州刺史巴東郡開國忠烈公元 長子朗字元明出繼少帝封南豐縣王食邑千户為湘

足可事全書

封為秘書郎與韞俱死順帝昇明二年復以宗室現子 封祗伏誅武墨本泰始三年更以宗室韞第二子鉄繼 除王以第四皇子子綏字實孫繼封食邑三千户追諡 績繼封三年薨會齊受禪國除朗弟慰字元秀太子舍 将軍改封江夏王食邑五千户改叡為江夏宣王子綏 刺史進號後軍将軍加持節太宗泰始元年進號征南 戲曰宣王以子綏為都督郢州諸軍事冠軍将軍郢州 人為元凶府害追贈侍中諡宣世子大明二年追封安

坦元諒元粹並追贈散騎侍郎元粹弟元仁元方元旒 至步兵校尉追贈中書侍郎諡曰烈侯部弟坦字元度 平都懷侯坦弟元諒江安愍侯元諒弟元粹興平悼侯 一千五百户謀反賜死叡弟韶字元和封新吳縣侯官 将會稽太守進號左将軍齊受禪降為沙陽縣公食邑 躋字仲升繼義恭為孫封江夏王食邑五千户後廢帝 未受命與晋安王子勛同逆賜死七年太宗以第八子 位督會稽束陽新安臨海永嘉五郡諸軍事東中郎

将軍臨淮濟陽二郡太守仲容弟叔子封永陽縣侯 贈江夏王改諡曰愍伯禽弟仲容封永脩縣侯為寧朔 子弟叔寶及仲容叔子並為前廢帝府殺諡仲容叔子 國将軍湘州刺史又為前廢帝府殺諡曰哀世子又追 祖名之曰伯禽以擬魯公伯禽周公旦之子也官至輔 禽孝建三年生義恭諸子既遇害為朝廷府哀至是世 元叔元角與朗等凡十二人並為元凶府殺元角弟伯

十六年代臨川王義慶都督荆湘雖益梁寧南北秦 躬行節儉畜財省用數年問還復充實隊主續豐母老 年遷使持節都督南徐州諸軍事右将軍南徐州刺史 **蘅陽文王義季幼而夷簡無鄙近之累太祖為荆州高** 先是義慶在任值巴蜀亂擾師旅應接府庫空虚義季 王食邑五十户五年為征虜将軍八年領石頭戊事九 祖使随往江陵由是特為太祖府愛元嘉元年封衡陽 諸軍事安西将軍荆州刺史持節如故給鼓吹一

致故将軍蘇徽姚酒成疾旦夕待盡吾試禁斷并給 遂為長夜之飲略少醒日太祖累加詰責義季引愆陳 大将軍領南蠻校尉義李素皆酒自彭城王義康廢後 書好事唯自署名而已二十年加散騎常侍進號征西 米二斛錢一千并制豐敢肉義李素拙書上聽使餘 家貧無以充養遂斷不食肉義李哀其志給豊每月白 自損性命世中比比皆汝府諳近長沙兄弟皆緣此 上詔報之曰誰能無過改之為貴耳此非唯傷事業

欽

定四庫全書

酒嚴 無 膳至今能立此自是可節之物但當者不能立志裁割 常愿至此今果委顿縱不能以家國為懷近不復顧性 有美尚加以吾意殷勤何至不能既然深自勉厲乃復 命之重可歎可恨豈復一條本望能以理自厲未欲 耳晋元帝人主尚能感王藻之諫終身不復飲酒汝既 初遂以成疾上又韶之曰汝飲積食少而素羸多風 此酣法汝於何得之臨書歎塞義季雖奉此古酣 相割裁坐諸紜然後少止者幸可不至此

足可車全部 |

れ書

夫

美業復何為吾煎毒至此邪義季然不改以至於然二 苦耳今遣孫道角就楊佛等令晨夕視汝并進止湯食 是當時甘嘴罔已之意耳今者憂怛政在性命未暇及 可開懷虚受慎勿隐避吾飽當見人斷酒無它憔吸盖 帷帳程服諸應随刺史者悉留之荆楚以為美談二 開府儀同三司南兖州刺史持節常侍如故登舟之 二年進督豫州之梁郡遷徐州刺史持節常侍都督 年為都督南究徐青其幽六州諸軍事征北大将

應赴之宜實孤百姓之望且匈奴輕漢将自此而始賊 馬桓桓既不懷奮發連被意旨猶復逐巡豈唯大乖 故明年索廣侵逼北境擾動義李懲義康禍難不欲 申怙倉卒之際尚以弱甲瑣卒徼寇作援彼為元 拯危急以中威援本無驅馳平原方幅爭鋒理又 便應大有經略何合安然遂不敢動遣軍政欲乗 起逸未知指趨故且装束無存觀察耳少日勢漸 動自業無它經略雅飲酒而已太祖又詔之曰杜 dula I 宋書 芜

ع 9

Ē ۷

鎮聚甲兵徒為煩耳二十四年義季病篤上遣中書令 路易馮何以畏首尾迴弱若謂事理政應如此者進大 追贈冠軍将軍豫州刺史子伯道嗣順帝昇平三年夢 太尉江夏王義恭表解職迎喪不許上遣東海王禕北 徐湛之省疾召還京師未及發薨於彭城時年二十三 迎義季喪追贈侍中司空持節都督刺史如故子恭王 嶷字子岐嗣中書侍郎太子中庶子世祖大明元年薨

戒斯為篤矣 使虐朝暴主顧無猜色歷載瑜十以尊成自保及在永 史臣曰戒懼乎其所不觀思畏乎其所不聞在於慎所 忽也江夏王高祖寵子位居上相大明之世親典冠朝 山之安可恃曾未云幾而磔體分肌古人以隐微致 幼主南面公旦之重属有府歸自謂踐水之慮已除 體降情樂辟於軒檻之上明其為平約亦已至矣得

钦

定四車全書一

宋書

					-			
	i	1	1	1		1	1	ı
		i		i				ندا
	1		1	i				Í
	1		1	ì		1		1
宋書卷六十一			i	1		1		r
	ļ	F .	1	1	1	l		/
7		i .	l .		1			1
-3		1	1	ļ				ľ
書卷	!	1	1	ļ	1		i 1	1
		ì		1				
1 72		1		i	1			17.
 	İ	1	ĺ	1	1			1
	i			1				1.
-	1	1	1					14
	1			1				i
ノノン	1		1					١
1	ì			1				-
-		1		ļ				'
1, 1	1						1	L_
	!			1			1	
	1	1		1			1	9
[]	i			1				_
11	1			1	i			1
	4	1		i	!			i
l i	i i	1		i	i .	l		1
		1		i		1		1
,	ł	ŀ		1	i	,		
	1	1	1	Į.				1
	ì			1	1	-	1	l
j ·	1	1		l	į .			
1		İ		1	1			蒼
11				i	1			-
11	ł	İ		1				1.
i i	i							1
!!		1		1	1			老六十
	1	!		i				1
	1	i		i			i i	_
	l	1		1				1
	į.							Į.
li	i .				1			
1	İ		i					
!				:	į	-		
i	-							1
il		i		į				ł
14	l	İ		i			1	
11	ľ			4			1	
11	1	1		,				
ŧ i	İ	1						
i :		ł		,				
\$ 1	İ	1						
i.	ŀ	i	1				l i	
1	1		1		i		1 1	
11	1	1	i	ł	i			
I l	1	1	į.	ĺ	j		i 1	
	!	1	1		!		ı i	
1	1	1	ļ.	i				
l i		ł	1	l				
i i		!	į.					
l i	i	1	i	l	!			_
i i	1	1	1	[
H	l	1	1	ŀ	i			
11	i	1	İ	ł	1		1	
11		1	i	Į.				
il :	1	1		l				
li .	[ł	1	ł	1			
	i	1	I	1	i			
li l	i	i	1	ĺ				
	I	1	I	i	1 .			

衡陽文王義季傳故将軍蘇徽○徽南史作徵 盧陵孝獻王義真傳侍讀學士蔡茂之○臣承若 灾已日華在馬 江夏文獻王義恭傳挑取眼精以蜜清之以為鬼目精 時無侍讀學士官名當從南史作侍讀博士 〇精南史作粽 宋書卷六十一考證 宋書 按是

善容止汎覽經籍尤長隸書不疑初為烏程今於時年 黄門郎父不疑桂陽太守於少靖點無競於人美言笑 羊欣字敬元泰山南城人也曾祖忱晋徐州刺史祖權 欽定四庫全書舊要卷四千二百二十四史部 **灾足习事公告** 宋書卷六十二 列傳第二十二 梁 張敷 沈 宋書 王微 約 撰

告族兄贈曰望察見羊於遂易衣改席於由此益知名 欣意貌恬然不以髙平見色論者稱馬欣嘗詢領軍将 十二時王獻之為吳興太守甚知爱之獻之當夏月入 縣於若新絹常畫寝獻之書常數幅而去於本工書因 不奉命元顯怒乃以為其後軍府舍人此職本用寒人 ·游私門不復進仕會稽王世子元顯每使於書常報 彌善起家輔國參軍府解還家隆安中朝廷漸亂於 謝混混拂席改服然後見之時混族子靈運在坐退

議參軍出為新安太守在郡四年簡惠者科除臨川王 餘年不出義熙中弟微被遇於高祖高祖謂語議奏 鄭解之曰羊徽一時美器世論猶在兄後恨不識之 足可華全書 一人 板於補右将軍劉藩司馬轉長史中軍将軍道憐諮 宋書

處股肱方此為輕也於拜職少日稱疾自免屏居里巷

楚臺殿中郎謂曰尚書政事之本殿中禮樂府出卿昔

預機要於欲自疎時漏密事玄覺其此意愈重之以為

桓玄輔政領平西将軍以於為平西參軍仍轉主簿

散大夫素好黃老常手自書章有病不服藥飲符水而 義慶輔國長史盧陵王義真車騎諮議奏軍並不就太 祖重之以為新安太守前後几十三年游玩山水甚得 城外未嘗入六闢元嘉九年卒時年七十三子俊早卒 |無善醫桁撰樂方十卷於以不堪拜伏辭不朝覲高 不徽字敬猷世譽多欣髙祖鎮京口以為記室參軍掌 性轉在義與非其好也頃之又稱病篤自免歸除中 太祖並恨不識之自非尋省近親不妄行詣行必由

整貴風韻甚高好讀玄書無属文論少有盛名高祖見 而爱之以為世子中軍參軍數見接引永初初遷秘書 之色年十許歲求母遺物而散施已盡唯得一畫扇乃 歲問母所在家人告以死生之分數雖童家便有思慕 太守子瞻元嘉末為世祖南中郎長史尋陽太守卒官 張敷字景角吳郡人吳興太守邵子也生而母沒年數 事八年遷中書郎直西省後為太祖西中郎長史河東 録之每至感思輔開笥流涕見從母常悲感哽咽性

大配司事 在書

宋書

陵太祖謂沙門曰張敷應西當令相載及敷辭上謂曰 撫軍須一意懷道人卿可以後編載之道中可得言晤 王義恭鎮江陵以為無軍功曹轉記室參軍時義恭就 為西中部參軍元嘉初為員外散騎侍郎秘書丞江夏 敷卧不即起亮怪而去父邵為相州去官侍從太祖版 郎當在省直中書令傅亮貴宿權要聞其好學過候之 敷不奉白曰臣性不耐雜上甚不說遷正員郎中書舍 太祖求一學義沙門比沙門求見發遣會敷赴假還江

若不相容便不如不往記可輕往邪當曰吾等並已員 史未拜父在吳興亡報以疾篤敷往奔省自發都至吳 就席訓接甚歡既而呼左右曰移我遠客赴等失色而 人狄當周赶並管要務以數同省名家欲詣之赶曰 其自標遇如此善持音儀盡詳緩之致與人別執手 自敷也遷黃門侍郎始興王濟後軍長史司徒左長 念相聞餘響火之不絕張氏後進至今慕之其源流 郎矣何憂不得共坐敷先設二牀去壁三四尺二

定四車全書一人

無實家實一旦丧失何可為懷其見重如此世祖即位 蓮 學沒有益但更甚耳自是不復往未暮而卒時年四 疾世父茂度每止譬之朝更感動絕而復續茂度曰我 興成服凡十餘日始進水浆葵畢不進鹽菜遂致齊成 謂中年奄為長往聞問悼心有無恒痛足下門教敦至 雖艱隔成阻而情問無緊海莫之人其其方見慰說豈 理要清風素氣得之天然言面以来便申总年之好比 琅邪顏延之書吊茂度曰賢弟子少履貞規長悔

滅孝道淳至宜在追野於以報美可追贈侍中於是改 其、所居稱為孝張里無子 詔曰司徒故左長史張敷貞心簡立幼樹風規居哀毀 參軍太子中舍人始與王友父憂去官服闋除南平王 王微字景玄琅邪臨沂人太保弘弟子也父孺光禄大 不就起家司徒祭酒轉主簿始與王濟後軍功曹記室 // מושל על שבו כם לעת 微少好學無不通覽善属文能書畫無解音律醫方 陽術數年十六州舉秀才衡陽王義李右軍參軍並

或有激朗於天表必欲探援潜實傾海求珠自可卜肆 為吏部郎微與湛書曰弟心病亂度非但塞壁而已此 識前世之載天值何其易傾弟受海内験笑不過如熱 鐮右軍諮議參軍微素無宦情稱疾不就仍除中書侍 巫祠之間馬棧牛口之下賞劇孟於博徒拔卜式於芻 石秃鶩邪未知君何以自解於良史邪今雖王道鴻鬯 郎又擬南琅邪義興太守並固辭吏部尚書江湛舉微 朝野府共知騶會忽扣華門問里咸以為祥怪君多

·這兄姊迄将十載姊時歸来終不任輿曳入閣兄守金 維賢才而君權士先疹廢芃芃械樸似不如此且弟 馬皆明察之官又賢於管庫之末何為劫勒通家疾病 之能無鱗雜襲者必不乏於世矣且盧於承明署乎金 裹無假長因飛耳也常謂生遭太公将即華士之戮幸 永不堪扶抱就路若不憊疾非性僻而何比君曰表 塵穢難堪之選将以靖國不亦益囂乎書云任官 Ar date 宋書

亦有西戎孙臣東都戒士上窮範馳之御下盡說遇

遇管叔公蒙僻儒之養光武以馬行才浮其實故棄而 學本不參選鄙夫瞻彼固不任下走未知新沓何如 君逢此時或亦不免高閣乃復假名不知已者豈欲自 不齒諸葛孔明云来敏亂郡過於孔文舉况無古人之 衛賜 縣敢干周漢之常刑彼二三英賢足為晓治與否恐 耳而作不師古坐亂官政誣飾蚯蚓囊招神龍如 以真素者又不宜居華留名有害風俗君亦不至期 那君欲高數山公而以仲容見處徒以槌提

居 虚聲所以綿絡累紙本不管尚書虎瓜板也成童便往 眀 之文莊生縱漭養之極終不能舉其契為之辭矣子将 **魂必靈哈於萬里汝賴餘彦将拂衣而不朝浮華** 謬今有此書非敢切擬中散誠不能 顧影員心純盗 風俗或從此而爽鬼谷以揣情為最難何君忖度之 不忍聞也豈謂不肖易撰貪者可誘凡此數者君必 如此若交以為人賜舉未以已勞則商販之事又連 馬雖假天口於齊駢籍思說於周季公孫碎毛髮 宋書

爵且猶滅名安用吏部郎哉其舉可恆其事不經非 生平之意自於此都盡君平公云生我名者殺我身天 無人鑒要是早知弟每共宴語前言何嘗不以止足為 且使干載知弟不許該耳微既為始興王濟府吏濟數 以存慰微奉荅牋書輙飾以辭采微為文古甚頗抑 居舍晨省復經周旋加有諸甥亦何得頓絕慶吊然 紳者不道僕妾皆将笑之忽忽不樂自知壽不得長 叔見之謂為訴屈微因此又與從弟僧綽書曰吾雖

貴且持盈畏消自是家門舊風何為一旦落漠至此當 安寝便以自度血氣盈虚閥復稍道長以大散為和羹 盾 樂之事心死久矣府以解日偷存盡於大布羈栗半夕 此容之至於規矩細行難可詳料疹疾日滋縱恣益甚 所及每蒙寬假吾亦自揆疾疹重侵難復支振民生安! 人道所貴廢不復脩幸值聖明無容置之教外且舊思 局苦迷将不然邪詎容都不先聞或可不知耳衣冠胄 如吾者甚多才能固不足道难不傾倒溢許士頗

At Auto I

宋書

弟為不見之邪疾廢居然且事一已上不足敗俗傷化 事實吾與弟書不得家中相欺也州陵此舉為無所因 下不至毀辱家門泊爾尸居無方待化凡此二三皆是 及覆思之了不能解宣見吾近者諸牋邪良可怪笑吾 對尊貴不厭敬恭且文詞不怨思抑揚則流澹無味 學作文又晚節如小進使君公欲民不偷每加存飾 好古貴能連類可悲一往視之如似多意當見居非

·志清論所排便是通辭訴屈那爾者真可謂真素

道故常因含聲不言至兄弟尤為叨竊臨海頻煩二郡 高吾得當此則雞鶩變作風皇何為干飾廣隅秩秩見 矣其數旦見客小防自来盈門亦不煩獨舉古也此董 誤威壮也江不過疆吹拂吾云是嚴穴人嚴穴人情 乃云語勢府至非其要也弟無懷居今地萬物初不以 此內儻疑弟豫有力於素論何如哉則吾長阨不死終 面目所惜者大耳諸舍闔門皆蒙時私此既未易陳 非然魯羯齊虚實宜書紳今三署六府之人誰表裏

足可車全書

言也管子晋賢乃關人主之輕重此何容易哉州陵亦 設使盗跖居此亦不能兩展其足妄意珍藏也正今選 **謙亦越進清階吾高枕家巷遂至中書郎此足以闔棺** 官設作此舉於吾亦無劒戟之傷所以熟熟畏人之多 出戶頭不耐風故不可扶曳家本貧餒至於惡衣蔬食 緣頭髮見白稍學論詐且吾何以為足不能行自不得 不足過也語皆循檢校迹不為虚飾也作人不阿設無 矣又前年優古自弟府宣雖夏后撫辜人周宣及鰥寡

無悉怒此言自爾家任兄故能也日日望弟来属病 士必龍居深藏與蛙蝦為伍放數其猶難之林宗華 自言視明聽聽而返區區飾吾何辯致而下英俊夫奇 弟書便覺成本以當半日相見吾既惡勞不得多語 足識也似不肯捲滕奉機記彫琢獻文章居家近市 親戚淌城府吾猶自知袁陽源輩當平此不飾詐之與 不起何意向與江書粗布胷心無人可寫比面乃具與 两不闋吾心又何所耿介弟自宜以解塞屋賢矣 廛

定四車全書 一

宋書

書謂之見知然復自怪鄙野不參風流未有一介熟悉 慮為微形谷與書自陳微報之曰鄉昔稱吾於義興吾 無急付手時論者或云微之見舉盧江何偃亦豫其議 機幸非府長相見亦不勝讀此書也親属欲見自可示 事何用獨識之也近日何見綽送鄉書雖知如戲 風淹雅脩暢自是正始中人吾真庸性人耳自然志 不倍王樂小兒時光廳笨無好常從博士讀小小章 固不能相哀尚相哀之未知何相期之可論卿少陶

時病虚耳所撰服食方中粗言之矣自此始信攝養有 亦當尤以此見議或謂言深博作一段意氣鄙薄人世 之衰贍猶恥辭賦為君子若吾篆刻非亦甚矣卿諸人 **句竟無可得口吃不能劇讀遂絕意於尋求至二十左** 右方復就觀小說往来者見床頭有數帙書便言學問 日借問以其本心也至於生平好服上樂起年十二 不敢然是以每見世人文賦書論無所是非不解處 就檢當何有哉乃復持此擬議人邪尚獨愧以揚子

定日東全書!

宋書

草来之吾實修遊醫部頗晚和樂尤信本草欲其必行 同家頗有馬之者又性知畫續盖亦鳴鵠識夜之機盤 是以躬親意在取精世人便言希仙好異矯慕不羈不 其白首家貧乏役至於春秋令節輕自将兩三門生入 自保不能勉其形短耳由来有此數條二三諸賢因復 徵故門冬目术随時參進寒温相補欲以扶護危羸見 **紆斜紛或記心目故無山水之爱一往跡求皆仿像也** 好詣人能忘榮以避權右宜自客應對舉止因卷輕

而先命猥加魂氣褰恭常人不得作常自處疾苦正亦 **侮人加疹意婚一旦聞此便惶怖矣五六日来復苦** 思己熟謂有記自論既仰天光不天庶類無望諸賢 累致之高塵詠之清壑尾礫有資不敢輕風金銀也 好盡之累豈其如此綽大驗數便是闔朝見病者吾 相哀體而卿首唱誕言布之翰墨萬石之慎或未然 項年嬰疾沉淪無已區區之情慢於生存自恐難復 引喉状如匈中悉腫甚自憂力作此答無復條貫

宋書

ナニ

或有小問報稱引前載不異舊學自爾日就月将若名 筮賜以名耆弟僧謙亦有才譽為太子舍人遇疾微 能討測文典斟酌傳記寒暑未交便卓然可述吾長病 自治哀痛無不能已以書告靈曰弟年十五始居宿於 常住門屋一間尋書玩古如此者十餘年太祖以其善 貴布府懷落漠不舉柳既不可解立欲便別且當笑微 自處治而僧讌服藥失度遂卒微深自咎恨發病不復 不為察慧之譽獨沉浮好書聆琴聞操輛有過目之

四月百言

霓心如焚裂尋念平生裁十年中耳然非公事無不相 其中三過誤云今日何意不来鍾念縣心無物能譬方 觸事思然弟今何在今吾悲窮昔仕京師分張六旬耳 病豈圖奄忽先歸冥冥反覆萬慮無復一期音頹髣髴 對一字之書必共詠讀一句之文無不研賞濁酒忘愁 邦黨方隆夙志嗣美前賢何圖一旦冥然長往酷痛煩 獨坐憶往年散發極目流涕吾不舍日夜又恒慮吾羸 圖籍相慰吾所以窮而不憂實賴此耳奈何罪酷先然

唯十紙手迹封坑儼然至於思戀不可懷及聞吾病肝 精致有枉過念此一條特復痛酷痛酷奈何吾罪奈何 欲共 营林澤以送餘年念兹有何罪戾見此天酷没於 失色於人不失口於人沖和淹通內有皂白舉動尺寸 弟為志奉親孝事兄順雖僮僕無形叱咄可謂君子不 吾手觸事痛恨吾素好醫術不使弟子得全又尋思不 橋介欲過宜每中和道此猶在耳萬世不復一見奈何 吾每咨之常云兄文骨氣可推英麗以自許又兄為人

定匹 厚 在 書

由来意謂婦人雖無子不宜踐二庭此風若行便可家 立自省恰毒無復人理比煩冤困憊不能作刻石文若 是存者意耳吾窮疾之人平生意志弟實知之端坐向 禮求得左率第五兒盧位有主此亦何益冥然之痛為 供養殷太妃感相舟之節不奪其志僕射篤順范夫知 有孝婦仲長昌言亦其大要劉新婦以刑傷自誓必留 心寸絕謂當以幅中薄葬之事累汝奈何反相殯送弟 **窓有何慰適正賴弟耳過中未来已自渴望今云何得**

靈響有識不得吾文豈不為恨償意慮不遂謝能思之 竟復云何弟懷随和之實未及光諸文章欲收作一集 三光割嗜好以祈年今也唯速化耳吾豈復支冥冥中 不寫一阿謹何圖至此誰復視我誰復憂我他日實惜 九僧議卒後四旬而微終遺令薄葬不設轉旅鼓榜 在不知府告諦明書此數紙無復詞理略道阡陌萬 釀酒寧有仿像不冤痛冤痛元嘉二十年卒時年二 知忽忽當辨此不今已成服吾臨靈取常共飲格酌

定四庫全書

叔笑謔之間而王微吊詞連續斯盖好名之士欲以身 朕甚悼之可追贈秘書監 長史来以琴與之何長史者偃也無子家人遵之所者 自華宗身安隐素足以貢兹丘園惇是薄俗不幸蚤世 文集傳於世世祖即位詔曰微棲志貞深文行惇治生 関仲叔去而之沛良由内懷耿介峻節不可輕干袁 臣曰熊太子吐一言田先生吞舌而死安邑令戒屠 属施五尺林為靈二宿便毀以當府彈琴置床上何


足可華全書!

宋書


士五

宋書卷六十二			為珪璋般般然使壓玷之累不能加也

髙祖謂諮議參軍鄭解之曰羊微一時美器○解之當 羊欣傅於時年十二時王獻之為吳興太守〇两時字 王微傳夫奇士必龍居深藏與蛙蝦為伍放勲其猶難 2 2 3 當行其一 之〇放監本記於今改正 屬鮮之之訛 宋書卷六十二考證 71 PILO | 宋書



一たとり 第十四頁後五行太祖又别給錢年千萬刊本年 第十九頁後八行樂既不得孔雀白驚諸本鷩訛 謹案卷六十一第一頁後一行義宣别有傳據六 Þ **氅據禮志及漢書王莽傳背負點鳥之毛改** 十八卷武二王傳此處義宣上疑脱義康二字 訛季據監本毛本改 A ALIO JEN





校 總 教

塍

録

肚

生臣

朱

烺

王福

清

對官檢討臣王校官庶去臣侍

朝

欽定四庫全書答要 宋書卷六十五至

詳校官內閣侍讀縣 球

ŗ 欽定四庫全書 安初王恭起兵討王國寶時蘇 足曰車全書! 會稽內史父戲太子中庶子司徒左長史居在吳晉 梁 王墨首 **邪臨沂人太保弘從祖弟也祖善衛** 曾要卷四千二百二十五 史部 沈 宋書 段景仁 約 沈演之 撰

國寶 因 有志行以父存亡不測布衣疏食不交游如此十 釋雲永逃駕時牢之搜檢冤華甚急雲 後 即聚聚 以討恭為名恭遣劉牢之 死恭椒歐起兵之 **烝為旅所殺華時年十二在軍中** 選成疑馬華行遲永呵罵云奴子怠 捶華數十泉 **《應之以女為貞烈將軍以女人為官屬** 老八十三)際多所誅戮至是不復得 73 不 疑由此得免遇赦還 /擊廞廞 **飲走不知?** 與廞 解

華性尚物 ŕ E 號鎮 ,乗牽車從者不過二三以矯之當於城内 江陵以為西中郎主簿遷咨議參軍領 服 州主簿仍轉鎮西主簿治中從事史歷職著稱 知是邵謂左右此鹵簿甚盛必是殿下出行乃 5 西復隨府轉太祖未親政政事悉委司馬張 関高祖北伐長安領鎮西将軍北徐州刺史 Ŀ 不欲人在己前邻 所稱美高祖欲收其才用乃發歐喪問使華 dulo (尔書 性豪每行來常引夾較華 、錄事太 相逢

每生情多寧敢 牽車立於道側及邵至乃驚邵白服登城為華所斜 便敢肯德廢主若存慮其将來受禍致此殺害益由 火帝見害疑不敢下華建議曰羡之等受寄崇重 **本拜轉右衛將軍侍中如故先是會稽孔露子為** 以華代為司馬南郡太守行府州事太祖入 欲握權 一從之留華總後任上即位以華為侍中領驍騎 自固以少主仰待耳今日就徵萬無所 朝 順懷逆志且三人勢均莫相

/i

楚垂無入為賈不賀令舊命惟新幽人引領韶之盡美 備舉親民之選尤宜在先愚欲使天朝四品官外及守 備於振綱武之未盡或存於理目雖九官之職未 之語拔茅征吉著於幽賁之文晉師有成瓜衍作賞 同損益有物求賢審官未之或改 先於官得其才枚卜之方莫若人慎其舉雖復因革 鎮西咨議參軍以文義見賞至是為黃門侍郎領步 《尉宾子先為髙祖太尉主簿陳損益曰隆化之首 師錫愈日與乎欽

扻 釤 賢受賞失舉任罰夫惟帝之難豈庸識所易然舉 疺 腔 徇 厚進宜尚德治阿之军不必計年免徒之守豈 惟良益宜使求賢闢其廣塗考績 白 非求多人因百官之明孰與 庫 '物之私、 然監觀民瘼異化宣風則隱厚之求急於刀 此以還故當才均 生 人堪為二千 生 · 非 選曹所銓果於 石長吏者以付選官隨缺 卷' 以資資均以地军益之官 識之見執谷 乖謬衆職 取其火殿若 在 叙 爾

假 能事之功接於德心以此論才行之年歲豈惟政 金昌亭左右欲泊船军子命去之日此弑君亭不可 願自羨之等東權日夜構之於太祖军子當東歸至 必由已處士砥自求之節仕子藏交馳之情寫子庸 民庇手足而已将使公路日清私請漸塞士多心競) 2 治體冒昧陳愚退懼違認當子與華並有富貴 而賜力出入逢羡之等每切齒慎吃數日當見 開居諷詠常誦王粲登樓賦曰其王道之 宗書 無 誅羨之之功追封新建縣侯食邑千戸諡曰宣侯世 有與不之詣若宜有論事者乗車造門主人出車就之 侍中 年卒時年四十三追贈散騎常侍衛將軍九年上 定匹庫 | 弘輔政而第曇首為太祖所任與華相玛華嘗謂 此為常華以情事具人未嘗預宴集終身不飲 -時不元嘉二年寧子病卒三年誅羨之等華遷護 如故宋世惟華與南陽劉湛不為飾讓得官 不盡無數息日宰相頓有數人天下何由得治 全量 思 即 酒

k 父弟鴻五兵尚書會稽太守 即位配饗太祖廟庭子宣侯嗣官至左衛將軍卒子 元徽三年終上表乞以封還長許之齊受禪國除華從 2 |墨首琅邪臨沂人太保弘少弟也幼有業尚除著作 太宗泰始二年坐馬母奪爵以長弟終絕封後廢帝 在坐高祖曰此君並膏梁盛德乃能屈志戎旅雲首 不就兄弟分財曇首唯取圖書而已辟琅邪王大 Ē 一府公脩復洛陽園陵與從弟球俱詣高祖時 _ dulo W 尔書

曹為長史隨府轉鎮西長史高祖甚知之謂太祖曰 雲首文先成高祖覽讀因問处曰卿弟何如卿弘答 勇高祖悦行至彭城高祖大會戲馬臺豫坐者皆賦詩 答曰既從神武之師自使懦夫有立志晦曰仁者果有 見於色閨門之內雅雅如也手不執金王 刺史留鎮彭城以曇首為府功曹太祖鎮江陵自 飾玩自非禄賜所及 .如臣門戶何寄髙祖大笑雲首有識局智度喜愠 毫不受於人太祖為冠軍 一婦女不 日

曇首沈毅有器度宰相才也汝母事咨之景平中有龍 曇首與到彦之從兄華固勸上猶未許曇首又固陳 官衆力不得近部伍中兵參軍朱容子抱刀在平乗 方有天子氣太祖入奉大統上及議者皆疑不敢 西方半天騰上底 带者數句既下 符應上乃下率府州文武嚴兵自衛臺所遣 |謂雲首曰此乃夏禹所以受天命我何 五絲雲京都遠近聚觀太史奏 在道有黄龍出負上所来

足可華人

宋書

異單刺元嘉二年雖有再開門例此乃前事之違 隆以下雲首繼啟曰既無墨軟人闕幡來雖稱上 守舊未為非禮但既據舊使應有疑却本末曾無 銀字张不肯開門尚書左丞羊玄保奏免御史中 駕出北堂嘗使三更竟開廣莫門南臺云應須白虎 軍誅徐羨之等平謝晦曇首及華之力也元嘉四年 及即位又謂雲首曰非宋昌獨見無以致此以雲首 **尋領右衛將軍領驍騎將軍以朱容子為右** 占

能奪故封事遂寢時兄弘録尚書事入為揚州刺史雲 詹事侍中如故晦平後上欲封雲首等會無集舉酒 因國之災以為身幸陛下雖欲私臣當如直史何上 一斷故罪人斯戮臣等雖得仰憑天光効其毫露豈 道值服各其不請白虎幡銀字於致門不時開由尚 因扮御林口此坐非卿兄弟無復今日時封部已成 相承之失亦合糾正上特無所問更立科係還太子 以示墨首雲首曰近日之事豐難將成賴陛下英明 Li dulo 宋書

減府兵之半以配義康義康乃 謂賓客曰王公久疾不起神州部合臥 悦曇首固乞吳郡太祖曰豈有欲建大 書舍人周起侍側曰王家欲東賢者先殞上曰直是 者哉賢兄比屢稱疾固辭州任将來若相申許者 卿 入欲得揚州 而誰亦 所親委任無兩官彭城王義康與弘並録意常 何吳郡之有時弘久疾屢遜位不許 形於辭古以雲首居中分 七年卒太祖為之 八厦而遗 治曇首勘

贞

眉

刍

な

行參軍建議宜令百官舉才以所薦能否為點歧遷宋 特進左光禄大夫父道裕蚕亡景仁少有大成之量司 殷景仁陳郡長平人也曾祖融晉太常祖茂散騎常侍 王諡見而以女妻之初為劉毅後軍參軍高祖太 祖即位配饗太祖廟庭子僧綽嗣别有傳少子僧虔 明末為尚書令 以預誅羨之等謀追封豫寧縣侯邑千戸諡曰文侯 一追贈左光禄大夫加散騎常侍詹事如故 宋書

辭讓人固陳曰臣志幹短弱歷者出處值皇途隆泰 景仁學不為文敏有思致口不談義深達理體至於 |簿出補衡陽太守入為宋世子洗馬仍轉中書侍 一秘書郎世子 朝儀舊章記注其不撰録識者知其有當世之志 定匹庫全書 一 祖甚知之愛太子中庶子少帝即位入補侍中累表 今授固守愚心者竊惟殊次之寵必歸器望喉唇之 好陪群選日月頻積失在饕餮患不自量而 ·中軍參軍轉主簿又為驃騎將軍道

寧處若惠澤廣流關艾同潤回改前古賜 2 衛將軍太 誠難庶幾踰方越序易以誠懼所 敏敢忘循命臣连違之愆既已屢積寧當徒尚浮采 可改除黄門侍郎以申君子之請尋領射聲項之 非才莫居三省諸躬無以克荷豈可茍順甘榮不 天聽丹情性款仰希照察的日景仁退挹之懷 ; 一虧朝舉下贻身谷求之公私未見其可顧涯 ۲ 5 祖即位委遇彌厚俄遷侍中左衛如故 9 宋書 以俯仰 周偟 降階雖實 無 孙

勧 侍中 生蘇氏甚謹六年蘇氏卒車駕親往臨哭下 灾匹 四 同升之美近代莫及元嘉三年車駕征謝晦司徒 禮文遺逸取正無所監之前代用否人殊故惟 領軍侍中如故太祖所生章太后早亡上奉 居中書下省景仁長直共掌留任晦 盾 並時為侍中俱居門下皆以風力局幹冠冕 罰情事兼常每思有以光隆懿戚少申問 右衛將軍王華侍中驍騎將軍王雲首侍中劉 1 平代到彦 謟 極 日 后

塞景仁議日至德之感靈啟厥祥文母見天實熙皇祚 義式遵二漢推思之典但動籍史筆傳之後昆稱心而 累年在心未遂蘇夫人奄至傾殂情禮莫寄追思遠恨 階緣戚屬情以事深寒泉之思實感聖懷明詔爰發詢 行或容未允可時共詳論以求其中執筆永懷益增感 與事而深日月有期將卜電岁便欲粗依春秋以貴之 厥中謹尋漢氏推思加爵于時承秦之弊儒術蔑如 上書遵先典號極徽宗以貴之義禮盡於此蘇夫 1.5 宋吉

自 會王弘華墨首相係亡景仁引港還朝共參政事港 쉾 將軍固辞上使綱紀代拜遣中書舍人周赴輿載還 私奉天統者每屈情以申制所以作字萬國貼則後 君作故罔或前典懼非盛明所宜軌蹈晉監二代 定匹 仁素善皆被遇於高祖俱以宰相許之湛尚居外 所因君舉必書哲王之所慎體至公者懸 年服園遷尚書僕射太子詹事劉湛代 博遠謹露庸短上從之丁母憂葬竟起為 代為領軍

停家養病發 湛言毀景仁於太祖太祖遇之益隆景仁對親舊數日 故尋復以僕射領吏部護軍如故湛愈忽怒義康納 信仗景仁不可移奪乃深結司徒彭城王義康欲 相之重以傾之十二年景仁復遷中書令護軍僕外 以景仁位遇本不踰己而一旦居前意甚慎慎知 之今入入便噬人乃稱疾解職表疏累上不見許使 外殺之以為太祖雖知當有以終不能傷至親之爱 公部遣黃門侍郎省疾湛議遣人若胡盜者 宋書

密莫有窥其際者收湛之日景仁使拂拭衣冠寝疾玩 府密涵宫禁故其計不行景仁卧疾者五年雖不見上 而密表去來日中以十數朝政大小必以問馬影迹 久左右皆不晓其意其夜上出華林園延賢堂召景仁 上微闻之遷景仁於西掖門外晉鄱陽主第以為護軍 歃 拜畢便覺其情理乖錯性本寬厚而忽更苛暴問 揚州刺史僕射領吏部如故造使者授印綬主簿代 稱脚疾小牀與以就坐誅討處分一皆委之代義康 定四庫全書

継 射 汝 觀望忽驚曰當閣何得有大掛既而曰我誤邪疾轉篤 情兼常痛民望國器遇之為難悅歎之深不能已己 疾患少日奄忽不救其識具經遠奉國竭誠周游禮 日今年男婚多女嫁多是冬大雪景仁来與出聽事 亦同不往矣如何世祖大明五年行幸經景仁墓 諡曰文成公上與荆州刺史衡陽王義李書曰殷僕 云見劉湛為崇時年五十一追贈侍中司空本官 謂不利在州司使還住僕射下省為州凡月餘 詔

ع 9

TO 100

道於生便有病更無横疾恒因愚習情人妨清序可降 宗世為侍中度支尚書屬父疾積久為有司所奏詔 國內史曾祖勁冠軍陳祐長史戊金墉城為鮮果慕容 日司空文成公景仁德量淹正風識明九嶽績忠謨夙 致祭子道於幼而不慧官至太中大夫道於子恒太 演之字臺真吳與武康人也高祖充晉車騎將軍吳 先照惠政茂譽寔留民屬近瞻丘墳感往興悼可遣

潼 百 2 .所陷不屈節見殺追贈東陽太守祖赤黔廷尉卿 治皆有聲朱齡石伐蜀為齡石建威府司馬加建 郡太守戍涪城東軍既反二 軍平蜀之功亞於元帥即本號為西夷校尉巴 任少有幹質初為揚州主簿高祖太尉祭軍吳山 馬休之齡石遣叔任率軍來會時萬祖領鎮西 四面雲合遂至萬餘人攻城急叔任東兵不滿 布腹心衆莫不為用出擊大破之逆黨皆平高 ` 1.5 1 宋書 郡殭宗侯勒羅與聚泉 西

軍 命為司馬及軍還以為揚州別駕從事史以平蜀 為令器家世為将而演之折節好學讀老子日百 辟從事史西曹主簿舉秀才嘉與令有能名入 祭酒南熊王義宣左軍主簿錢唐令復有政績復 州刺史以疾還都義熙十四年卒時年五十長子 功封寧新縣男食色四百四十戸出為建威將 理業尚知名襲父别爵吉陽縣五等侯 演之年十 尚書僕射劉柳見而知之曰此童 小郡命主簿 為 重 司

鉑

埞

匹

戽

在意

卷六千三

别駕從事史領本郡中正深為義康所待故 子者口賜米 拯 徒主簿丁 疾去官服閼除司徒左司掾州治中從事史元嘉 年東諸郡大水民人饑饉吳義與及吳郡之 百以演之及尚書祠部即江還並無散騎常侍 邱許以便宜從事演之乃開倉原以賑饑民民 2 . 45 ,母憂起為武康令固解不免到縣百許 劉湛劉斌等結黨欲排廢尚書僕射 斗刑獄有疑枉悉制遣之百姓蒙 宋書 古四一 /錢唐 在 有 E

演 掌禁旅同參機密二十年遷侍中右衛 景仁演之雅仗正義與湛等不同港因此讒之於義 歃 欲伐林色朝臣不同唯廣州刺史陸嶽與演之 部郎十七年義康出藩誅湛等以演之為右衛将 之曰侍中領衛望實優顯此益宰相便坐卿其勉之 因論事不合古義康變色曰自今而後我不復相 定匹庫全書 之與景仁素善盡心於朝廷太祖甚嘉之以為尚 一尋卒乃以後軍長史范華為左衛將軍與演之對 将軍如故太 重 信

所莅演之可中領軍暴可太子詹事華懷逆謀演之 将軍演之清業貞審器思沉濟右衛将軍華才應 原清京都鳴鸞東岱不憂河山 不開也二十 有異言之太祖華尋事發伏誅還領國子祭酒本 理懷清要並美彰出內誠亮在公能克懋厥猷樹 總司戎政翼赞東朝惟允之舉匪賢莫授侍中領 謂之曰廟堂之謀卿参其力平此遠夷未足多建苇 臣黄金生口銅器等物演之所得偏多 詔

ALL O LEAT OF LAND

宋書

濟陽考城人頗有文義官至司徒記室參軍撰文釋 於世演之子睦至黃門郎通直散騎常侍世祖大明 金紫光禄大夫諡曰貞侯演之昔與同使江家字玄遠 拜京陵演之以疾不從上還宮召見自勉到坐出至尚 不異也素有心氣疾病歷年上使卧疾治事性好聚 中正轉吏部尚書領太子右衛率雖未為宰相任寄 涿屈滯而謙約自持上賜女伎不受二十六年車 下省暴卒時年五十三太祖痛惜之追贈散騎常侍 四月石川

慕人多受貨賄上怒下部口沈勃琴書藝業口有美 坐要引上左右俞欣之訪評殿省內事又與弟西陽王 章善彈琴能圍暴而輕減逐利歷尚書殿中郎太宗泰 而 始中為太子右衛率加給事中時欲止討使勃還 文學勃念閱不睦坐徙始與郡勃免官禁錮勃好為 《無復劑限自恃吳與土豪比門義故脅說士庶告 :躁耽酒幼多罪愆比奢淫過度妓女數十聲酣 輒聽募將委役還私託注病叛遂有數百周 鄉

. . . . (T)

宋吉

門生競受財貨少者至萬多者千金考計 쉾 道隆等復為司徒左長史為廢帝所誅順帝即位 差有司奏免世祖詔曰自項幹僮多不祗給主可量 本官勃弟統大明中為著作佐即先是五省官所 於是徙付梁州廢帝元徽初 **忠績在朝尋遠於懷能無引律可徙勃西垂令思** 定 匹庫全書 明罰敕法以 太祖世坐以免官者前後百 正典刑故光禄大夫演之音受 以例得還結事阮 城物二 佃 百

聽 史臣曰元嘉初誅滅宰相益王華孔军子之力也彼 物 之重其除易来乎夫殺人而取其壁不知在已與累 公義雖往結思實今疎而任即囊權意非告主居上 窮交當來寵之要轍顛覆所基非待他釁况於發 行杖得行幹杖自此始也演之兄融之子暢之襲宣 縣男大明中為海陵王休茂北中郎諮議祭軍為休 而移其電不忌自我難持若二子永年亦未知來禍 所殺追贈黃門即子畢嗣齊受禪國除 The state of 分と

所止也有能戒彼而悟此則所望於來哲 宋書卷六十三

隨 王華傳華時年十二〇二南史作三 灾 色目 宣侯 僧綽謂察興宗曰弟名位應與新建齊新建者嗣 沙、 封 嗣 宣 侯作定侯益嫌子嗣嗣 也 門釋雲永逃竄〇永南史作 臣 車全書 然則刷乃華子之名其後或諡為定侯耳南 脎 嗣官至左衛将軍卒于長嗣○南史作子定侯 按王僧綽傅云華子嗣人才既劣位遇亦 宋書 之文叠多嗣字不 冰 明 故 史 之

宋書卷六十三考證

王雲首傳中書合人周起侍側〇周起南史作周赴 是 宋書卷六十三考證 承着按張數段景仁傳俱有中書舍人周赶作姓為 不應復諡宣當是定字 稱其鑑宣與定相近宋書復能定為宣華玩鑑宣子 臣